

соборов, аки забрала некая и ограждения сущих божественнаго сего и православнаго учения, явьственным же и сокращенным словом сопредлагаем, ниже елика житие исправляют и свидетельствуют веры правость, всячески умолчавше; яко же бо еже вся изначала тшчатися глаголати, — неискусно есть, сице и еже ничто же рещи, — непохвално есть. Лепо же есть добродетелем вере близ пребывати и обоими добродетелному свершатися, ибо учений правость¹⁸ || жительства предлагает честность,¹⁹ деаний же чистота веру извещает божествену, яже обоя кроме другаго удобь обыче оскудевати и исчезати; но о сих убо и после, ныне же тебе священное и боговещанное священныя нашия службы возлагаем учение.

л. 382 об.

Верую во единого бога отца вседержителя, творца небу и земли, видимым же всем и невидимым, и в единого господа Иисуса Христа, сына божиа едиnorodнаго, иже от отца роженнаго преже всех век, света от света, а. 383 бога истинна от бога истинна, роженна, а не сотворена, единосушна || отцу, им же вся быша; нас ради человеков²⁰ и нашего ради спасения сшедшаго с небес и въплотившася²¹ от духа святаго²² и Марии²³ девици и въчеловечившася, распята же за ны при Понтийем Пилате и страдавша, и погребенна, и воскресша в третий день по писанием,²⁴ и восшедшаго²⁵ на небеса, и сядящаго одесную отца, и паки грядущаго со славою судити живым и мертвым, его же царствию²⁶ не будет²⁶ конца; и в духа святаго, господа, и животворящаго, иже от отца исходящаго, иже со отцем и сыном споклоняема²⁷ и съславима, глаголавшаго пророкы; и во едину святую || соборную и апостольскую церковь; исповедую²⁸ едино крещение во оставление грехов, ожидаю²⁹ въскресеие мертвым и жизни будущаго века, аминь.

л. 383 об.

Сице убо мудрствуя и веруя по преданию святых божиа соборных и апостольскихъ церкви, о добрый образе моих трудов, святых и вселенскихъ седми соборов овех убо яко учителей, овех же яко поборников благочестия приеми и защищай. Теми бо всяко ново³⁰ учение и ересь отгоняется, православна же бессмертное и древлепреданное мудрование благочестивых душам в бѣлзсеменное почитание водружается, их же начинаю поведание, время и место и число множества и старейшин коегождо, ради благоучения с своими изъясляя деании.

³¹ Сѣбор первый на злочестиваго Ариа³¹. Первый³² убо и ³³ вселенскыи святыхъ³⁴ соборъ в Вифинейстей³⁵ Никее собрася, ³⁶осьмь и десять³⁶ и триста³⁷ божественныхъ архиерей собрание, ³⁸ иже о истинне суд вручашуся, в них же бяху^{38а} преимеюще Александр Константинограда³⁹ архиерейский престол случивыйся управляти, муж глубокою убо сединою, подо||бным же мудрованием украшаем, жития же светлостию и преподобьствомъ разума⁴⁰ и веры опаством,⁴¹ еже к богу дръзновение много себе усвояя. Тако же и Силвестр⁴² и Иулие римския церкви знаменити иже и преславнии настолници, от тех убо ниже един пришед, Витона же и Викентиа кождо в место свое во время своего архиерейства общему снитою быти послаша, человеков добродетель почитающихъ и презвитерства саном осиаваемых,⁴³ им же и Кодрувский епископ счиневашеся,⁴⁴ иже в еллинскихъ гонениих наречени||е истиньствующее показа, Осиос бо, сиречь пре-

л. 384 об.

л. 385

¹⁸ правости Б. ¹⁹ честность БГС. ²⁰ человек ГС. ²¹ въплотившагося ГС. ²² свята Б. ²³ Мария ГС. ²⁴ писаниих Г. ²⁵ възшедшаго БГС. ²⁶⁻²⁶ несть ГС. ²⁷ поклоняема Б. ²⁸ исповедую ГС. ²⁹ чаю; на поле справа пояснение ожидаю Б. ³⁰ Вписано над строкой Б. ³¹⁻³¹ На полях ВГС; киноварью ВС. ³² На полях Б. ³³ Нет ГС. ³⁴ Нет Б. ³⁵ Доб. епистолии Б. ³⁶⁻³⁶ осьмнадцать Б. ³⁶⁻³⁷ 318 Г. ^{38-38а} Пропущено Г. ^{38а} беху БС. ³⁹ Константинаграда Б. Константинаграда ГС. ⁴⁰ украшен Г. ⁴¹ опасьством БГ. ⁴² Селивестр БГС. ⁴³ осеаваемых Г; о сееваемых С. ⁴⁴ счинивашеся БГС.